

犍陀國王經

後漢三藏法師 安世高 譯

聞如是一時佛在舍衛國祇樹給孤獨園與  
千二百五十比丘俱時有國王號名犍陀奉  
事婆羅門婆羅門居在山中多種果樹時有  
採樵人毀敗其果樹第七婆羅門時見之便將詣  
王所言是人無狀殘敗我果樹王當治殺之  
王敬事婆羅門不敢違之即爲殺敗樹者自  
後未久有牛食人稻其主逐捶之牛折其一  
角血流被面痛不可忍牛徑到王所白言我

實無狀食此人少稻今爲其見挫折我角稻  
主亦追到王所王曉鳥獸語告牛言我當爲  
汝治殺之牛即報言今雖殺此人亦不能令  
我不痛但當約勅後莫取人如我耳工便感  
念言我事婆羅門但坐果樹令我殺人不  
如此牛也便呼婆羅門問言今事此道有何福  
乎婆羅門報言可得禳災致福富貴長壽王  
復問言可得免於生死不報言不得免於生  
死也王獨念言當用此道爲事便勅群臣嚴  
駕往到佛所五體投地爲佛作禮白言我聞

佛道至尊巍巍教化天下所度無數願受法  
言以自改操佛即授王五戒十善為說一切  
天地人物無生不死者王以頭面著地為禮  
白佛言今奉尊法戒當得何福佛言布施持  
戒現世得福忍辱精進一心智慧者其福無  
量後生天上亦可得作遮迦越王亦可得無  
為度世之道佛即為王現相好威神光耀王  
即歡喜意解便得須陀洹道阿難整衣服頭  
面著地為佛作禮白佛言此王與牛本何因  
緣牛語王意便解捨婆羅門而事佛道見佛

教七

十三

聞法即得道迹佛言乃昔拘那含牟尼佛時  
王與牛為兄弟作優婆塞俱持齋一日一夜  
王守法精進不懈怠壽終昇天上壽盡下為  
國王牛時犯齋夜食後受其罪罪畢復作牛  
百世尚有宿識故來開悟王意牛後七日壽  
終上生天上佛言四輩弟子受持齋戒不可  
犯也諸比丘僧比丘尼優婆塞優婆夷天龍  
鬼神聞經歡喜前為佛作禮而去

犍陀國王經